



UNIVERSITÄTS-
BIBLIOTHEK
PADERBORN

Universitätsbibliothek Paderborn

Reginonis Abbatis Prumiensis Libri Duo De Ecclesiasticis Disciplinis & religione Christiana

Regino <Prumiensis>

Parisiis, 1671

312. Qualiter Presbyteri & Diaconi agant pœnitentiam.

urn:nbn:de:hbz:466:1-14622

Ut nullus Episcopus alterius civitatis vel parrœchiæ pœnitentem suscipiat, vel sine Episcopi vel Presbyteri testimonio reconciliet. *Ex epistola Felicis Papæ.*

CCCIX. Curandum summopere est ne quis fratrum cœpiscoporumque nostrorum aut etiam Presbyterorum in alterius civitate vel diocesi pœnitentem, vel sub manu positum sacerdotis, aut eum qui reconciliatum se dixerit, sine Episcopi vel Presbyteri testimonio & literis, ad cuius pertinet parrœchiam, suscipiat.

Felix III.
epist. 7. c. 6.

Ut Presbyteris & Diaconibus manus tanquam pœnitentibus non imponatur.

Ex Concilio Carthaginensi.

CCCX. Confirmatum est ut si quando Presbyteri vel Diaconi in aliqua graviore culpa convicti fuerint, qua eos à ministerio necesse sit removeri, non eis manus tanquam pœnitentibus vel tanquam fidelibus laicis imponatur.

Concil. Carthag. 5. c. 11.
Burchard. lib. 19. c. 72.

Ut pœnitentia Clericis non negetur. *Ex*

Concilio Arelatensi.

CCCXI. Pœnitentiam desiderantibus Clericis non negandam.

Concil. Arelat. 2. c. 29.

Qualiter Presbyteri & Diaconi agant pœnitentiam. *Ex epistola Leonis Papæ.*

CCCXII. Alienum est à consuetudine ecclesiastica ut qui in presbyterali honore aut Diaconi gradu fuerint consecrati, hi pro cri-

Decreta Leonis I. c. 16.
Burchard. lib. 19. c. 71.

1. Reg. 2.

mine aliquo suo per manus impositionem remedium accipiant pœnitendi, secundum quod scriptum est: *Sacerdos si peccaverit, quis orabit pro illo?* Unde hujusmodi lapsis ad promerendam misericordiam Dei privata est expectanda secessio; ubi illis satisfactio, si fuerit digna, sit etiam fructuosa.

Ut à negotiatione pœnitentes abstineant.
Ex epistola Leonis Papa.

Decreta Leonis l. c. 23.
Halitgar. lib. 3. c. 6.
Rhab epist. ad Heribald. c. 15.
Burchard. lib. 19. c. 95.

CCCXIII. Qualitas negociandi aut excusat aut arguit, quia est honestus quæstus & turpis. Veruntamen pœnitenti utilius est dispendia pati quàm periculis negotiationis astringi: quia difficile est inter eumentis vendentisque commercium non intervenire peccatum.

Ut post depositum cingulum nullus pœnitens ad militiam secularem redeat.

Ex eadem.

Decreta Leonis l. c. 24.
Halitgar. ibid. c. 7.
Burchard. lib. 19. c. 66.

CCCXIV. Contrarium est omnino ecclesiasticis regulis post pœnitentiæ actionem redire ad militiam secularem, cum Apostolus dicat: *Nemo militans Deo &c.* Unde non est liber à laqueis diaboli qui se militiæ mundanæ voluerit implicare.

De eadem re. *Ex Concilio Arelatensi.*

Concil. Arelat. 2. c. 25.
Burchard. lib. 19. c. 67.

CCCXV. Hi qui post sanctæ religionis propositum apostatant, & ad seculum redeunt, & postmodum pœnitentiæ remedia non requirunt, communionem non accipiant sine pœnitentiâ, quos etiam jubemus ad cleri-